



Scoil Oilibhéir

An Chúil Mhín

Cluain Saileach

Baile Átha Cliath 15

D15 PX99

19505L

Faoi phátrúnacht Ardeaspag Átha Cliath

## Clár

Réamhrá.....	2
Spiorad sainiúil agus cuspóirí ginearálta na scoile.....	2
Ráiteas maidir le hiontráil.....	3
Na catagóirí de Riachtanais Speisialta Oideachais a ndéantar freastal orthu.....	3
Daltaí a ionrollú.....	3
Ró-iarratas.....	3
An méid nach mbreithneofar ná nach gcuirfear san áireamh.....	4
Cinntí ar iarratais.....	5
Cinntí a chur in iúl d'iarratasóirí.....	5
Glacadh le tairiscint áite ag iarratasóir – treoir don tuismitheoir/chaomhnóir.....	5
Cúinsí nach féidir tairiscintí a dhéanamh nó ar féidir tairiscint a tharraingt siar dá mbarr.....	5
Sonraí a roinnt le scoileanna eile.....	5
Liosta feithimh i gcás ró-iarratais.....	6
Iarratais dhéanacha.....	6
Nósanna imeachta maidir le daltaí a ionrollú i mblianta eile agus le linn na scoilbhliana.....	6
Dearbhú maidir le gan táillí a ghearradh.....	7
Socruithe maidir le daltaí nach bhfreastalaíonn ar theagasc reiligiúnach.....	7
An ceart chun athbreithnithe/achomhairc.....	8
18.1 Athbhreithniú ar chinntí an Bhord Bhainistíochta.....	8
18.2 Ceart achomhairc.....	8

## 1. Réamhrá

Comhlíonann an Polasaí Iontrála seo ceanglais an Achta Oideachais 1998, an Achta Oideachais (Iontráil i Scoileanna) 2018 agus an Achta um Stádas Comhionann 2000. Agus an polasaí seo á dhréachtú, chuaigh Bord Bainistíochta na scoile i gcomhairle le foireann na scoile, le pátrún na scoile agus le tuismitheoirí leanaí atá ag freastal ar an scoil.

D'fhaomh an pátrún scoile an polasaí ar an **[dáta]**. Tá sé foilsithe ar shuíomh gréasáin na scoile agus cuirfear ar fáil i gcóip chrua é ar iarratas d'aon duine a iarrann é.

Tá na dátaí agus na hamlínte ábhartha do pholasaí iontrála Scoil Oilibhéir leagtha amach san fhógra maidir le hiontráil bhliantúil na scoile a fhoilsítear go bliantúil ar shuíomh gréasáin na scoile, seachtain amháin ar a laghad roimh thús an phrósais iontrála don scoilbhliain lena mbaineann.

Ní mór an polasaí seo a léamh i gcomhar leis an bhfógra maidir le hiontráil Bhliantúil na scoile don scoilbhliain lena mbaineann.

Foilsítear an fhoirm iarratais i gcomhair iontrála ar shuíomh gréasáin na scoile agus cuirfear cóip chrua di ar fáil d'aon duine a iarrann sin.

Sa chás nach bhfuil an leagan Gaeilge agus an leagan Béarla ag teacht le chéile is ag an leagan Gaeilge a bheidh forlámhas.

## 2. Spiorad sainiúil agus cuspóirí ginearálta na scoile

Is bunscoil mheasctha í Scoil Oilibhéir le spiorad sainiúil Caitliceach faoi phátrúnacht an Ardeaspag Átha Cliath 'Séard is ciall le "Spiorad Sainiúil Caitliceach" i gcomhtheacs na bunscoile Caitlicí ná éiteas agus spiorad sainiúil na hEaglaise Caitlicí Romhánaí, a bhfuil cothú na dtréithe seo thíos mar aidhm aici, a chaomhnú.

- A. Forbairt iomlán agus chomhchuí gach gné den dalta, ina gcuimsítear na gnéithe intleachtúla, fisiciúla, cultúrtha, mórálta agus spioradálta
- B. Gaol beo le Dia agus le daoine eile; agus
- C. Fealsúnacht na beatha a thógann spreagadh ó chreideamh i nDia agus i mbeatha, i mbás agus in aiséirí íosa;
- D. Cruthú na ndaltaí sa chreideamh Caitliceach,

Agus a chuireann oideachas reiligiúnda ar fáil do na daltaí i gcomhréir le creidimh, le cleachtais agus le traidisiúin na hEaglaise Caitlicí Romhánaí agus/nó an éitis agus/nó spioraid shainiúil faoi mar a thuigtear do Chomhdháil Easpagóideach na hÉirean

I gcomhréir le hAlt 15 (2) (b) den Acht Oideachais, 1998 caomhnóidh Bord Bainistíochta Scoil Oilibhéir spiorad sainiúil na scoile a fhoirceann na luachanna cultúrtha, oideachasúla, mórálta, reiligiúnda, sóisialta, teangeolaíoch agus na luachanna spioradálta agus na traidisiúnta a thacaíonn le cuspóirí agus le hiompar na Scoile agus beidh an Bord Bainistíochta freagrach don Phátrún as an gcaomhnú seo.

Is Gaelscoil faoi phátrúnacht na hArd-Deoise í Scoil Oilibhéir. Cuirimid sároideachas ar fáil do pháistí, trí mheán na Gaeilge, i dtimpeallacht thacúil, a thugann deis do gach páiste barr a gcumas a bhaint amach. Mar chuid den oideachas sin, déantar cúram d'fhorbairt acadúil, chultúrtha, mhorálta, fhisiciúil, sibhialta, spioradálta, mhothúcháin agus shóisialta na bpáistí.

'Sí fíís na scoile ná cothú agus saibhriú gach páiste, trí mheán na Gaeilge, chun barr a gcumas a bhaint amach.

- i. Bunoideachas trí mheán na Gaeilge a chur ar fáil do dhaltaí as teaghlaigh gurb í an Ghaeilge príomhtheanga an bhaile;
- ii. Bunoideachas trí mheán na Gaeilge a chur ar fáil do dhaltaí eile agus a chur ar a gcumas a bheith ina gcainteoirí líofa Gaeilge;
- iii. Timpeallacht shaibhir an chultúir Ghaelaigh a chur ar fáil agus dúil sa Ghaeilge agus i saíocht na Gaeilge a chothú i measc na ndaltaí agus na dtuismitheoirí.

### 3. Ráiteas maidir le hiontráil

**3.1** Ní dhéanfaidh Scoil Oilibhéir idirdhealú maidir le dalta a ionrollú sa scoil ar bhonn aon chinn díobh seo a leanas:

- i. inscne an dalta nó an iarratasóra i leith an dalta lena mbaineann,
- ii. stádas sibhialta an dalta nó an iarratasóra i leith an dalta lena mbaineann,
- iii. stádas teaghlaigh an dalta nó an iarratasóra i leith an dalta lena mbaineann,
- iv. gnéaschlaonadh an dalta nó an iarratasóra i leith an dalta lena mbaineann,
- v. reiligiún an dalta nó an iarratasóra i leith an dalta lena mbaineann,
- vi. bunús mhíchumas an dalta nó an iarratasóra i leith an dalta lena mbaineann,
- vii. cine an dalta nó an iarratasóra i leith an dalta lena mbaineann,
- viii. dalta nó iarratasóir ó phobal an lucht siúil i leith an dalta lena mbaineann, nó
- ix. riachtanais speisialta oideachais a bheith ag an dalta nó ag an iarratasóir i leith an dalta lena mbaineann.

**3.2** De réir Alt 61 (3) den Acht Oideachas 1998, forléireofar 'foras stádais shibhialta', 'foras míchumais', 'leithcheal', 'foras stádas teaghlaigh', 'foras inscne', 'foras cine', 'foras reiligiúin', 'foras gnéaschlaonta' agus 'foras pobail Taistil' de réir Alt 3 den Acht um Stádas Comhionann 2000.

**3.3** Is scoil í Scoil Oilibhéir arb é an cuspóir atá aici ná oideachas a sholáthar i dtimpeallacht a chuireann luachanna reiligiúnacha áirithe chun cinn agus ní dhéanann sí idirdhealú i gcás nuair a dhiúltaíonn sí cead isteach do dhalta nach Caitliceach é/í agus cruthaítear go bhfuil an diúltú riachtanach chun éiteas na scoile a chaomhnú.

### 4. Na catagóirí de Riachtanais Speisialta Oideachais a ndéantar freastal orthu

Déantar gach iarracht freastal ar riachtanais oideachais na ndaltaí i Scoil Oilibhéir ach ní dhéantar freastal speisialta ar aon riachtanas speisialta oideachais ar leith.

#### 1. Daltaí a ionrollú

**4.1** Déanfaidh an scoil seo gach dalta atá ag lorg iontrála a ionrollú ach amháin sna cásanna a leanas:

- i. i gcás ina bhfuil ró-éileamh ar an scoil (féach [Alt 6](#) thíos le haghaidh tuilleadh sonraí)
- ii. i gcás go dteipeann ar thuismitheoir dalta, nuair a éilíonn an príomhoide é de réir Alt 23(4) den Acht Oideachais (Leas) 2000, a dhearbhuí i scríbhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin

#### 2. Ró-iarratas

**6.1** Tá sé de cheart ag an mBord Bainistíochta uasmhéid líon na bpáistí in aon rang ar leith agus sa scoil ina hiomláine a leagadh síos.

**6.2** Is é uasmhéid líon na ndaltaí a cheadófar sna Naíonáin Sóisearacha ná 30.

**6.3** Sa chás go bhfuil ró-éileamh ar an scoil, déanfaidh an scoil na critéir roghnaithe a leanas a chur i bhfeidhm san ord ina bhfuil siad thíos maidir leis na hiarratais a fhaightear laistigh den amlíne chun iarratais a fháil mar atá leagtha amach i bhfógra iontrála na scoile agus na hiarratais ar chead isteach á gcinneadh aici.

I gcás ró-éilimh, Is gá do gach iarrthóir a bheith ceithre bliana d'aois ar a laghad, roimh an 1 Márta den scoilbhliain ina bhfuil áit á lorg sa scoil díobh agus beidh ar thuismitheoirí fianaise de seo a sholáthar i bhfoirm an Teastais Bhreithe. Is mar seo a dháilfear na háiteanna:

1. Siblí níl le dalta a bheidh ag freastal ar an scoil sa scoilbhliain ina dtosóidh an t-iarratasóir agus páistí na foirne
2. Páistí a bhfuil leibhéal líofachta bainte amach acu atá ar leibhéal a mbeifear ag súil leis dá mbeadh an teanga á labhairt mar ghnáthmhodh cumarsáide i suíomh neamhoideachasúil, ag tógáil aois an pháiste agus aon riachtanais bhreise oideachais san áireamh, agus gur dhócha go rachadh líofacht an pháiste ar gcúl mura bhfaighidís áit sa scoil lán-Ghaeilge.
3. Páistí gan aon líofacht sa Ghaeilge.
4. Páistí ar cuireadh iarratas déanach isteach ar a son

Sa chás go bhfuil beirt daltaí nó níos mó ceangailte le haghaidh áite nó áiteanna in aon cheann de na catagóirí critéir roghnúcháin thuas (agus líon na n-iarratasóirí níos mó ná líon na n-áiteanna atá fágtha), tabharfar áit don dalta is sine eatarthu.

**6.4 Nóta:** Sa chás gur mian le tuismitheoirí go n-áireofaí a bpáiste mar pháiste i gCatagóir 2 thuas, beidh rannóg de cheisteanna ar an bhFoirm Iarratais faoi líofacht na Gaeilge. Tabharfar cuireadh don tuismitheoir fianaise a chur ar fáil mar chuid de chun an líofacht sin a léiriú d'ionadaithe an Bhoird Bhainistíochta.

**6.5** Mura nglactar leis an bhfianaise a chuirtear ar fáil mar chuid den Fhoirm Iarratais, cuirfear an páiste i gCatagóir 3. Sa chás go ndíulfaítear áit do pháiste, ní mór iarraidh ar an mBord Bainistíochta athbhreithniú a dhéanamh ar an gcinneadh roimh achomharc i scríbhinn a dhéanamh chuig an mBord Bainistíochta faoi Alt 29.

**6.6** Má ghlactar leis an bhfianaise, ach go mbeartaíonn an tuismitheoir an páiste a chur siar go dtí Liosta Iarrthóirí na bliana ina dhiaidh sin, ní bheidh gá fianaise a chur ar fáil arís don leibhéal líofachta sa Ghaeilge.

## 7. An méid nach mbreithneofar ná nach gcuirfear san áireamh

De réir Alt 62(7)(e) den Acht Oideachais 1998, ní dhéanfaidh an scoil aon cheann díobh seo a leanas a bhreithniú ná a chur san áireamh agus iarratais ar chead isteach á gcinneadh nó nuair a bhíonn dalta á c(h)ur ar liosta feithimh le haghaidh iontrála sa scoil.

- i. freastal roimh ré ag dalta ar réamhscoil nó ar sheirbhís réamhscoile, lena n-áirítear naíonraí,
- ii. íocaíocht táillí nó ranníocaíochtaí (cibé slí a dtuairiscítear é) leis an scoil;
- iii. cumas, scileanna nó inniúlacht acadúil an dalta seachas de réir fhorálacha Alt 62(9) den Acht
- iv. gairm, stádas airgeadais, cumas acadúil, scileanna nó inniúlacht tuismitheoirí dalta;
- v. ceanglas go bhfreastalóidh dalta, nó a t(h)uismitheoirí ar agallamh, lá oscailte nó cruinniú eile mar choinníoll iontrála;
- vi. ceangal dalta leis an scoil de bhua duine dá t(h)eaghlach nó dá teaghlach ag freastal ar an scoil nó a bhí ag freastal ar an scoil roimhe sin;
  - a. seachas, i gcás siblí níl dalta a fhreastalaíonn ar an scoil nó a d'fhreastail ar an scoil de réir mar atá leagtha amach thuas.
- vii. an dáta agus an t-am ar ghlac an scoil le hiarratas iontrála,
  - a. Tá sé sin faoi réir an iarratais a bheith faighte ag am ar bith le linn na tréimhse a shonraítear chun iarratais a fháil mar atá leagtha amach i bhfógra iontrála bliantúil na scoile don scoilbhliain lena mbaineann.

## 8. Cinntí ar iarratais

Beidh na cinntí go léir maidir le hiarratais ar iontráil chuig Scoil Oilibhéir bunaithe ar na nithe a leanas:

- Polasaí Iontrála na scoile
- Fógra Iontrála Bliantúil na scoile (nuair is cúí);
- An fhaisnéis a chuir an t-iarratasóir ar fáil i bhfoirm iarratais oifigiúil na scoile a fuarthas le linn na tréimhse atá sonraithe inár bhFógra Iontrála Bliantúil chun iarratais a fháil.

Ní úsáidfeadh critéir roghnúcháin nach n-áirítear inár bPolasaí Iontrála scoile chun cinneadh a dhéanamh maidir le hiarratas ar áit inár scoil.

## 9. Cinntí a chur in iúl d'iarratasóirí

Cuirfeadh iarratasóirí ar an eolas i ríomhphost/scribhinn maidir le cinneadh na scoile, laistigh den amlíne atá leagtha amach san Fhógra Iontrála Bliantúil.

Mura dtairgtear áit do dhaltá inár scoil, cuirfeadh na cúiseanna nár tairgeadh áit dó nó di ar fáil i scribhinn don iarratasóir, lena n-áirítear, nuair is infheidhme, sonraí maidir le rangú an dalta i gcoinne na gcritéir roghnúcháin agus na sonraí faoi áit an dalta ar an liosta feithimh don scoilbhliain lena mbaineann.

Cuirfeadh iarratasóirí ar an eolas faoin gceart chun athbhreithniú/ceart achomhairc a lorg maidir le cinneadh na scoile (féach [Alt 18](#) thíos le haghaidh tuilleadh sonraí).

## 10. Glacadh le tairiscint áite ag iarratasóir – treoir don thuismitheoir/chaomhnóir

Agus tairiscint iontrála á glacadh agat ó Scoil Oilibhéir, ní mór duit an méid a leanas a léiriú:

- cé acu an bhfuil nó nach bhfuil glactha agat le tairiscint iontrála ar scoil nó ar scoileanna eile. Má ghlac tú le tairiscint den sórt sin, ní mór duit sonraí na tairisceana nó na dtairiscintí lena mbaineann a chur ar fáil freisin.
- cé acu an bhfuil iarratas déanta agat ar thairiscint iontrála ó scoil nó ó scoileanna eile nó cé acu an bhfuil tú ag feitheamh lena dheimhniú, agus má tá, ní mór duit sonraí na scoile nó na scoileanna eile lena mbaineann a sholáthar.

## 11. Cúinsí nach féidir tairiscintí a dhéanamh nó ar féidir tairiscint a tharraingt siar dá mbarr.

Ní féidir le Scoil Oilibhéir tairiscint iontrála a dhéanamh, nó is féidir tairiscint a tharraingt siar, sna cásanna a leanas —

- déantar amach go bhfuil an fhaisnéis atá san iarratas bréagach nó míthreorach.
- teipeann ar iarratasóir glacadh le tairiscint iontrála ar nó roimh an dáta atá leagtha amach i bhFógra Iontrála Bliantúil na scoile.
- má theipeann ar thuismitheoir dalta, nuair a éilíonn an príomhoide é de réir Alt 23(4) den Acht Oideachais (Leas) 2000, a dhearbhu i scribhinn go bhfuil cód iompair na scoile inghlactha dó nó di agus go ndéanfaidh sé nó sí gach iarracht réasúnach lena chinntiú go gcomhlíonfaidh an dalta an cód sin; nó
- teipeann ar iarratasóir riachtanais a chomhlíonadh chun 'glacadh le tairiscint' mar atá leagtha amach in [Alt 10](#) thuas.

## 12. Sonraí a roinnt le scoileanna eile

Ba chóir d'iarratasóirí a bheith feasach go gceadaítear le hAlt 66(6) den Acht Oideachas (Iontráil Scoileanna), 2018 comhroinnt sonraí idir scoileanna d'fhonn iontráil éifeachtach daltaí a éascú.

## 13. Liosta feithimh i gcás ró-iarratais

I gcás go mbeidh níos mó iarratas ar an scoilbhliain lena mbaineann ná na háiteanna atá ar fáil, tiomsófar liosta feithimh de dhaltáí nár éirigh lena n-iarratas ar iontráil chuig Scoil Oilibhéir mar gheall ar ró-éileamh ar an scoil agus beidh siad bailí don scoilbhliain ina bhfuil cead isteach á lorg.

Tá socrúchán ar liosta feithimh Scoil Oilibhéir san ord tosaíochta a shanntar d'iarratais na ndaltaí tar éis don scoil na critéir roghnúcháin a chur i bhfeidhm de réir an pholasáí iontrála seo.

Déanfar tairiscintí maidir le haon áiteanna ina dhiaidh sin a bheidh ar fáil don scoilbhliain agus lena linn a bhfuil cead isteach á lorg ina leith maidir leis na daltaí sin ar an liosta feithimh, de réir an oird tosaíochta ar cuireadh na daltaí ar an liosta.

## 14. Iarratais dhéanacha

Breithneofar agus déanfar cinneadh ar gach iarratas ar chead isteach a fhaightear tar éis an dáta deiridh mar atá leagtha amach san Fhógra Iontrála Bliantúil de réir pholasáí iontrála ár scoile, de réir an Achta um Iontrálacha Scoile 2018 agus de réir aon rialacháin a rinneadh faoin Acht sin.

## 15. Nósanna imeachta maidir le daltaí a ionrollú i mblianta eile agus le linn na scoilbhliana

Seo a leanas nósanna imeachta na scoile maidir le hionrollú na ndaltaí nach bhfuil glactha isteach sa scoil cheana féin chuig ranganna nó blianta seachas grúpa iontrála na scoile:

### 15.1 Clárúcháin sna Naíonáin Shinsearacha

Má bhíonn folúnta(i)s sna Naíonáin Shinsearacha agus níos mó iarratas ar áiteanna ná mar atá folúntas déanfar na háiteanna sin a dháileadh de réir na gcritéir do na Naíonáin Shóisearacha. Glacfar le hiarratais in ord ama, tabharfar tosaíocht don iarratas is túisce

### 15.2 Clárúchán i Ranganna seachas na Naíonáin Shóisearacha (agus Shinsearacha)

Glacfar le páistí i ranganna a hAon – Rang 6 má tá spás sa rang, agus má shíleann an Bord Bainistíochta cumas Gaeilge an pháiste a bheith ar leibhéal a ligfeadh don pháiste feidhmiú agus foghlaim sa rang agus nach mbeadh ar dhaltáí eile iompú ar an mBéarla chun cumarsáid a dhéanamh. **Is faoin tuismitheoir a bheidh sé fianaise chuige seo a chur os comhair an Bhoird Bhainistíochta.** Is ag an mBord Bainistíochta a bheidh an cinneadh deireanach sna cásanna seo.

**15.3** Is gá do thuismitheoirí/caomhnóirí ar mian leo iarratas a dhéanamh ar áit in aon rang seachas Naíonáin Shóisearacha litir iarratais chuige sin a scríobh chuig Cathaoirleach an Bhoird Bainistíochta. Is é an Bord Bainistíochta a dhéanfaidh an cinneadh faoi pháistí a ghlacadh in aon rang eile.

**15.4** Má fhaightear iarratais d'áit i rith na bliana déileálfar leis ag an gcéad chruinniú eile den Bhord Bainistíochta. Má tá folúntas/ folúntais i rang agus níos mó iarratas ná mar atá folúntais cuirfear in ord iad de réir na gcritéir céanna atá leagtha amach thuas do na Naíonáin Shóisearacha. Caithfear fianaise ar leibhéal sásúil líofachta Gaeilge a chur ar fáil sula dtairgfear áit. Muna nglacann an Bord Bainistíochta leis an bhfianaise, tairgfear an áit don chéad iarrthóir eile.

**15.5** Is ag cruinniú na Bealtaine den Bhord Bainistíochta a dhéileálfar le hiarratais atá faighte roimhe sin don chéad scoilbhliain eile. Déileálfar le hiarratais a thagann ina dhiaidh sin ag aon chruinniú eile roimh laethanta saoire an tSamhraidh. Tabharfaidh an Bord Bainistíochta údarás don Phríomhoide nó do dhaoine eile déileáil le hiarratais de réir pholasáí na scoile thar a cheann idir chruinniú deireanach na scoilbhliana agus chéad chruinniú na scoilbhliana nua.

**15.6** Is iad seo a leanas nósanna imeachta na scoile maidir le hionrollú na ndaltaí nach bhfuil glactha isteach sa scoil cheana féin, tar éis thús na scoilbhliana ina lorgáitear an cead isteach:

Déanfaidh tuismitheoir an pháiste iarratas i scríbhinn chuig an bPríomhoide ag míniú go bhfuil áit dá bpáiste á lorg acu sa rang ábhartha. Má tá an rang sin lán, cuirfear i gcód an t-iarratas scríofa agus má thagann áit aníos sa rang sin,

déanfar í a thairiscint ar an iarratasóir ba thúisce. Is gá iarratas nua a dhéanamh do gach scoilbhliain, ní níos luaithe ná an chéad lá scoile.

## 16. Dearbhú maidir le gan táillí a ghearradh

Ní ghearrfaidh Bord Bainistíochta Scoil Oilibhéir ná aon duine a ghníomhaíonn thar a ceann táillí ar íocaíocht nó ní lorgóidh sé nó sí íocaíocht ná ranníocaíocht (cibé slí a dtuairiscítear) mar choinníoll de:

- i. iarratas ar dhalta a ionrollú sa scoil, nó
- ii. iontráil nó clárú leanúnach dalta sa scoil.

## 17. Socruithe maidir le daltaí nach bhfreastalaíonn ar theagasc reiligiúnach

Seo a leanas socruithe na scoile do dhaltaí, sa chás gur iarr na tuismitheoirí go bhfreastalódh an dalta ar an scoil gan freastal ar theagasc reiligiúnach sa scoil. Ní bheidh laghdú ar lá scoile na ndaltaí sin mar thoradh ar na socruithe sin. Ní bheidh an dalta in ann an seomra a fhágáil tiosc easpa feitheoireachta. Tabharfar obair scoile de shaghas eile dóibh.

Ba cheart iarratas scríofa a dhéanamh le Príomhoide na scoile. Eagrófar cruinniú ansin le tuismitheoir(i) an dalta agus pléifear conas é seo a éascú.

## 18. An ceart chun athbheithnithe/achomhairc

### 18.1 Athbheithniú ar chinntí an Bhord Bainistíochta

Féadfaidh tuismitheoir mac léinn iarraidh ar an mBord Bainistíochta athbheithniú a dhéanamh ar an gcinneadh áit sa scoil a dhiúltú. Ní mór iarratais den chineál sin a dhéanamh de réir Alt 29C den Acht Oideachais 1998.

Tá an t-amlíne ina gcaithfear athbheithniú den chineál sin a iarraidh agus na ceanglais eile a bhaineann maidir le hathbheithnithe den gcineál sin leagtha amach sna nósanna imeachta arna gcinneadh ag an Aire faoi Alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.

Déanfaidh an Bord Bainistíochta athbheithnithe den chineál sin de réir na nósanna imeachta a rialaítear faoi Alt 29B i gcomhair le Alt 29C den Acht Oideachais 1998.

**Tabhair faoi deara:** Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, ní mór don iarratasóir iarraidh ar an mBord Bainistíochta **athbheithniú ar an gcinneadh** sin a dhéanamh roimh achomharc a dhéanamh faoi Alt 29 den Acht Oideachais 1998.

Sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil, féadfaidh an t-iarratasóir iarraidh ar an mBord Bainistíochta **athbheithniú ar an gcinneadh** sin a dhéanamh roimh achomharc a dhéanamh faoi Alt 29 den Acht Oideachais 1998.

### 18.2 Ceart achomhairc

Faoi Alt 29 den Acht Oideachais 1998, féadfaidh tuismitheoir mac léinn achomharc a dhéanamh ar chinneadh na scoile seo áit sa scoil a dhiúltú.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar ró-éileamh ar áiteanna sa scoil.

Is féidir achomharc a dhéanamh faoi Alt 29 (1)(c)(i) den Acht Oideachais 1998 sa chás gur diúltaíodh áit d'iarratasóir mar gheall ar chúis seachas ró-éileamh ar áiteanna sa scoil.

Sa chás gur diúltaíodh áit d'iarratasóir mar gheall ar ró-éileamh ar áiteanna sa scoil, **ní mór** don iarratasóir iarraidh ar an mBord Bainistíochta **athbheithniú ar an gcinneadh** sin a dhéanamh **roimh achomharc a dhéanamh** faoi Alt 29 den Acht Oideachais 1998. (féach Athbheithniú ar chinntí an Bhoird Bhainistíochta)

Sa chás gur diúltaíodh áit d'iarratasóir mar gheall ar chás seachas ró-éileamh ar áiteanna sa scoil, féadfaidh an t-iarratasóir iarraidh ar an mBord Bainistíochta **athbhreithniú ar an gcinneadh** sin a dhéanamh roimh achomharc a dhéanamh faoi Alt 29 den Acht Oideachais 1998. (féach Athbhreithniú ar chinntí an Bhoird Bhainistíochta)

Déanfar achomhairc faoi Alt 29 den Acht Oideachais 1998 a mheas agus a chinneadh ag coiste neamhspleách achomhairc arna cheapadh ag an Aire Oideachais agus Scileanna.

Tá an t-amlíne ina gcaithfear achomharc den chineál sin a iarraidh agus na ceanglais eile a bhaineann maidir le hachomhairc den gcineál sin leagtha amach sna nósanna imeachta arna gcinneadh ag an Aire faoi Alt 29B den Acht Oideachais 1998 atá foilsithe ar shuíomh gréasáin na Roinne Oideachais agus Scileanna.